

准通行南京法司今後行文南京各衛提人勤事若經該
官實縱容月久累催不報者不必先行住俸照
例叅奏提問發落該還職者仍旧支俸中間有
循私耽囑及受財故縱不行辭報者從重問結
仍轉行南京內外守備衙門一体嚴加禁治各
該衛所官吏不許因而玩法作弊自取罪愆

而豪官俱矣

前件准擬通行

清查大量屯田責限完繳

一件與利華弊等事弘治三年正月內該戶部尚

書李 亨題

准行移都察院轉行各該巡撫巡按官查照見行事例督
委三司府州縣能幹左貳官各一員并屯田僉
事等官分投遍歷各該衛所屯田逐一清查丈
量明白分諸冊管新收實在頃畝花名屯田子
粒數目備細造冊南北兩京直隸衛分限八月
以裡山東河南山西限九月以裡浙江江西福
建湖廣陝西十一月以裡廣東廣西雲南貴州
四川限十二月以裡完繳如有違違各該委官
并叅屯官照限日期住俸